



Sveinung Toft
Stranda 435
5993 ØSTEREIDET

Referanser:
Dykkar:
Vår: 21/2572 - 21/34966

Saksbehandlar:
Astrid Riise
astrid.riise@alver.kommune.no

Dato:
28.05.2021

Registrert avvik septiktank og førehandsvarsel om retting og ilegging tvangsmulkt - gbnr. 18/5 Toft

Tiltak: Utbetring septiktank
Byggjestad: Gbnr. 18/5
Tiltakshavar: Sveinung Toft

Alver kommune har den 17.03.2021 motteke melding frå Norva24 AS om at det ved tømning den 03.03.2021 vart registrert at dykk manglar utløp og at det var lågt nivå og lekkasje i septiktanken på eigdommen din, med adresse Stranda 435, 5993 Østereidet.

Når utløpet manglar dykk, vil slam og forureinande stoff bli leda ut av slamavskiljaren til pumpekum/fordelingskum eller direkte til infiltrasjonsfilter. Dette kan medføre stor fare for tetting av kum eller filter. Manglande dykk er ein feil som gjer at anlegget ikkje overheld rensekrava og kan i verste fall føre til at kloakk slår inn i bustaden eller renn ut av tanken.

Når det er fare for forureining, skal den ansvarlege for forureininga sørgje for tiltak for å hindre at forureining skjer. Når forureining har oppstått, skal den ansvarlege sørgje for å stanse, fjerne eller avgrense forureininga, jf. forureiningslova § 7.

Tilstanden må utbetrast. Frist for arbeidet vert sett til 31.08.2021.

Kommunen varslar med dette at vi vil påleggje deg som grunneigar å rette opp avviket på tanken slik at den tilfredsstiller dagens krav til standard, og i tillegg er eit godkjent avløpsanlegg. I dette brevet finn du informasjon om kva de kan gjere for å unngå pålegg.

For å få utbetra eit avløpsanlegg må du kontakte eit godkjent rørleggarføretak. For tiltak som gjeld nytt lokk/lås eller liknande kan du sjølve utføre arbeidet.

Når avviket er reparert, må du fylle ut vedlagte skjema for utført arbeid og returnere det til kommunen.

Skjema sender du til

- post@alver.kommune.no eller
- Alver kommune, postboks 4, 5906 Frekhaug.

Dersom vi ikkje får inn skriftleg tilbakemelding om utført arbeid innan fristen, varslar vi samstundes at vi kan pålegge deg å utbetre forholdet og fastsetje tvangsmulkt med heimel i forureiningslova §§ 7 og 73.

Kommunens oppgåve og mynde

I forureiningslova § 48 er ei av dei kommunale oppgåvene at kommunen skal føre tilsyn med ureiningssituasjonen i kommunen. Etter forureiningslova § 7 fjerde ledd kan kommunen gje pålegg ovanfor den som har ansvar for det ulovlege tilhøve, som er i strid med § 7 første ledd.

Grunngjeving for førehandsvarsel om pålegg og tvangsmulkt

Det følgjer av forureiningslova § 7 første ledd at *«ingen må ha, gjøre eller sette i verk noe som kan medføre fare for forurensning» uten at det er gitt løyve»*.

I medhald av forureiningslova § 7 andre ledd kan kommunen pålegge den ansvarlege for forureinga, om å sørgje for tiltak for å stanse, fjerne eller avgrense verknaden av den. Med bakgrunn i nemnde tilhøvet, varslar kommunen om at det vil bli vurdert å gje pålegg om retting og ilegging av tvangsmulkt for å få brakt tilhøvet i lovlege formar.

Dersom du er usikker på om utbetringa/reparasjonen av septiktanken er eit søknadspliktig tiltak, kan du ta kontakt med Alver kommune.

Varsel om pålegg om retting og tvangsmulkt

Med heimel i forureiningslova § 7, blir du no varsla om at tiltaket må bli retta **innan 31.08.2021** og dokumentasjon på dette må sendast inn innan same fristen. Utbetring må skje ved at avviket i tanken vert retta.

Med heimel i forureininglova § 73 varslar Alver kommune om at vi vil ilegge tvangsmulkt dersom avløpsanlegget ikkje er utbetra **innan 31.08.2021**.

Frist

Dokumentasjonen må sendast kommunen **innan 31.08.2021**.

Du har rett til å gje uttale før det blir fatta vedtak om pålegg om retting og ilegging av tvangsmulkt. Det kan til dømes vere at du meiner opplysningane våre ikkje er rette eller at det fins andre grunnar til at du ikkje har plikt til å utbetre forholdet.

Det vert gjeve ein frist på **3 veker** frå mottak av dette brevet til å svare på førehandsvarselet. Alver kommune oppmodar deg om å nytte uttaleretten.

Dersom vi ikkje har mottatt opplysningar som inneber at avløpssituasjonen tilfredsstillar dagens krav innan 3 veker vil vi fatte vedtak om pålegg og tvangsmulkt med same frist som i dette brevet.

Vi svarar gjerne på spørsmål på telefon 5637 5000 eller du kan sende e-post eller post til

- post@alver.kommune.no
- Alver kommune, postboks 4, 5906 Frekhaug

Aktuelt regelverk

- Plikt til å unngå forureining følgjer av forureiningslova § 7 første ledd.
- Kommunen kan gje pålegg om retting med heimel i forureiningslova § 7 fjerde ledd.

- Ilegging av tvangsmulkt følgjer av forureiningslova § 73.
- Straffeansvar for forureining eller forsøpling framgår av forureiningslova §§ 78 og 79.

Ved all vidare kontakt i saka ver vennleg og referer til **saksnr: 21/2572**.

Med vennleg helsing
Alver kommune, Miljø og tilsyn

Eirik Berntsen
Avdelingsleiar

Astrid Riise
rådgjevar

Dette dokumentet er elektronisk godkjent og har difor ingen signatur.

Vedlegg:

Tilbakemelding om utført arbeid - Alver kommune

Mottakarar:

Sveinung Toft

Stranda 435

5993

OSTEREIDET